

MINIT MESYUARAT AGUNG TAHUNAN PENIAGAWATI KE 36

TARIKH : 2 Disember 2020

MASA : 10.30 pagi

PLATFORM : ZOOM

KEHADIRAN :	Ahli Seumur Hidup (LM)	-	39
	Ahli Biasa (OM)	-	7
	Jumlah Kehadiran		46

PENGERUSI : YBhg Dato' Azlin Ahmad Shaharbi
Presiden Peniagawati

AGENDA

- 1.0 Kata aluan serta Pengumuman Koram oleh Pengerusi Mesyuarat
- 2.0 Bacaan Doa
- 3.0 Ucapan Dasar Presiden Peniagawati, YBhg Dato' Azlin Ahmad Shaharbi
- 4.0 Membentang dan Meluluskan Minit Mesyuarat Agung Tahunan Peniagawati ke 35
- 5.0 Membentang Laporan Tahunan Peniagawati bagi Sesi 2019-2020
- 6.0 Membentang dan Meluluskan Laporan & Penyata Kewangan bagi tahun berakhir 31 Disember 2019
- 7.0 Perlantikan Juruaudit Dalaman dan Luaran bagi tempoh 2019-2020
- 8.0 Pembentangan Usul (Jika Ada)
- 9.0 Hal-Hal Lain
- 10.0 Penangguhan Mesyuarat

BIL	PERKARA	TINDAKAN
1.0	<p data-bbox="261 331 646 363"><u>Pesanan Pengerusi Mesyuarat</u></p> <p data-bbox="173 401 1305 491">1.1 Setiausaha Kehormat, Puan Hajjah Emmy Suraya Hussein mengalu-alukan kedatangan semua ahli ke Mesyuarat Agung Tahunan ke 36 Peniagawati melalui platform atas talian pada hari ini.</p> <p data-bbox="173 529 1305 785">1.2 Setiausaha Kehormat memaklumkan, YBhg Dato' Hazimah Zainuddin telah meletakkan jawatan sebagai Yang DiPertua Peniagawati berkuatkuasa pada Ogos 2019 yang lalu. Peniagawati Malaysia merakamkan setinggi-tinggi penghargaan dan ucapan terima kasih kepada mantan Yang DiPertua, YBhg Dato' Hazimah Zainuddin atas khidmat, sumbangan, komitmen serta sokongan beliau kepada Peniagawati Malaysia sehingga kini. Dengan ketiadaan YDP dan mengikut perlembagaan mesyuarat hari ini akan dipengerusikan oleh Presiden, YBhg Dato Azlin Ahmad Shaharbi.</p> <p data-bbox="173 823 1305 1014">1.3 Pengerusi mengucapkan terima kasih dan mengalu-alukan kehadiran semua ahli ke Mesyuarat Agung Tahunan (AGM) ke 36 pada hari ini. Pengerusi gembira kerana mesyuarat AGM melalui atas talian ini dapat dihadiri oleh lebih ramai ahli. Presiden mengucapkan tahniah kepada semua ahli kerana berjaya meluang sedikit masa untuk menghadiri diri untuk melaksanakan tanggungjawab sebagai ahli Peniagawati.</p> <p data-bbox="173 1052 1305 1499">1.4 Pengerusi memaklumkan, mengenai kelewatan Peniagawati mengadakan mesyuarat AGM ke 36 kali ini agak lewat dari kebiasaan iaitu pada akhir tahun, pada bulan Disember 2020. Pengerusi menjelaskan, seharusnya mesyuarat AGM ini dilaksanakan selewat-lewatnya pada bulan Jun mengikut apa yang telah termaktub di Perlembagaan Peniagawati. Tetapi, bagi tahun ini, pihak ROS telah memberikan lanjutan tempoh kepada semua persatuan untuk mengadakan mesyuarat AGM sebelum 31 Disember 2020. Pihak Peniagawati telah cuba untuk mengadakan mesyuarat secara bersemuka pada bulan Oktober tetapi tidak kesampaian oleh kerana arahan Perintah Kawalan Pergerakan Bersyarat (PKPB) telah dikuatkuasakan semula oleh pihak kerajaan. Walau bagaimanapun, Pengerusi bersyukur kerana mesyuarat ini dapat juga dijalankan dan ahli-ahli juga dapat sama-sama berkumpul , terutamanya di mana tahun ini merupakan tahun Sambutan Ulangtahun Peniagawati ke 40 di mana Peniagawati telah pun ditubuhkan semenjak tahun 1980 lagi.</p> <p data-bbox="173 1537 1305 1755">1.5 Tanpa membuang masa, mesyuarat akan dimulakan mengikut agenda pada muka surat 6. Pengerusi percaya semua ahli telahpun mendapat booklet AGM yang telah diberi oleh Sekretariat melalui Whatsapp, Telegram dan emel yang merangkumi Minit Mesyuarat, penyata kewangan yang telah diaudit, Laporan Tahunan dan lain-lain. Oleh yang demikian, semua ahli diminta untuk merujuk kepada booklet yang telah diedarkan dan ia juga akan dipaparkan melalui skrin Zoom ini.</p>	

1.6	Mesyuarat dimulakan dengan menjemput Timbalan Presiden 1, Datin Dr Hasnorliza Abu Hassan untuk memimpin bacaan doa bagi memberkati mesyuarat AGM pada hari ini.	
1.7	Mesyuarat dimulakan dengan memaparkan 'corporate video' yang menunjukkan aktiviti-aktiviti Peniagawati dari bulan Jun 2019 sehingga Disember 2020.	
2.0	<p><u>Ucapan Dasar Presiden PENIAGAWATI</u></p> <p>2.1 Dato Presiden memulakan dengan ucapan terima kasih buat ahli-ahli yang hadir pada hari ini. Terlebih dahulu, Dato Presiden memperkenalkan barisan EXCO dan AJK Peniagawati kepada ahli-ahli terutamanya kepada ahli yang baru.</p> <p>Senarai barisan EXCO dan AJK adalah seperti di bawah:</p> <p>2.2 PRESIDEN: Dato' Azlin Ahmad Shaharbi TIMB. PRESIDEN 1: Datin Dr. Hasnorliza Abu Hassan TIMB. PRESIDEN 2: Che Puan Datin Mimi Wahedah Yusop SETIAUSAHA KEHORMAT: Hajjah Emmy Suraya Hussein BENDAHARI KEHORMAT: Junaidah Ishak PEN. SETIAUSAHA KEHORMAT: Selinastein Mohd Rashid</p> <p>AHLI JAWATANKUASA</p> <ol style="list-style-type: none"> 1. Datin Mahani Mahbob 2. Intan Farhana Husin 3. Halimatul Khalid 4. Nur Iman Hamzah 5. Hafizah Abu Bakar 6. Ida Maslina Ideris <p>Dato' Presiden memaklumkan setakat ini, terdapat 6 orang EXCO dan 6 orang AJK di mana jumlah keseluruhan barisan jawatankuasa Peniagawati adalah 12 orang.</p> <p>Dato' Presiden mengucapkan syabas dan tahniah kepada semua ahli kerana pada tahun ini, Peniagawati menyambut ulang tahun penubuhannya yang ke 40 tahun. Mengikut perancangan asal, terdapat banyak program dan aktiviti yang telah dirancang untuk dilaksanakan semenjak 2 tahun lepas tetapi tiada siapa yang menyangka bahawa pandemik covid-19 akan melanda negara kita. Oleh yang demikian, segala perancangan yang telah dilakukan tidak dapat dijalankan termasuklah program-program besar seperti Majlis Makan Malam DiRaja (RD40), program bersama beberapa Universiti tempatan yang telah dipilih dan sebagainya. Untuk makluman ahli juga, sebelum berkuatkuasanya Perintah Kawalan Pergerakan (PKP) pada Mac yang lepas, Peniagawati telah pun bertemu dengan DYMM Raja Permaisuri Perak, Tuanku Zara Salim untuk menjemput Baginda untuk menjadi tetamu Kehormat DiRaja bagi Majlis Makan Malam DiRaja (RD40) yang sepatutnya diadakan pada Jun 2020 dan Baginda juga telah bersetuju untuk mencemar duli menghadiri Majlis Makan Malam tersebut. Walau bagaimanapun, Dato' Presiden berharap bahawa sebahagian program-program penting dapat dilaksanakan pada tahun hadapan, bergantung kepada keadaan pandemik ini.</p>	

Dato' Presiden memaklumkan bahawa sebagai ahli Peniagawati, kita harus berasa gembira dan bangga atas pencapaian Peniagawati sepanjang 40 tahun di mana, Peniagawati merupakan persatuan wanita bumiputera yang pertama ditubuhkan di Malaysia. Kita perlu bersyukur kerana sepanjang 4 dekad Peniagawati ditubuhkan semenjak 1980, Peniagawati masih lagi relevan dan meneruskan perjuangan untuk membangunkan usahawan wanita bumiputera di Malaysia yang merupakan pencapaian yang sangat baik bagi Peniagawati. Dato' Presiden seterusnya mengucapkan ribuan terima kasih buat ahli-ahli yang menyokong dan memberi kerjasama yang erat kepada jawatankuasa Peniagawati dan menyumbangkan masa dan usaha untuk Peniagawati terutamanya kepada ahli-ahli yang telah bersama Peniagawati semenjak awal penubuhan pada 1980 sehingga ke hari ini.

Dato' Presiden bangga kerana Peniagawati mempunyai 3 generasi dari tahun 1980 hingga 2020 di mana lingkungan umur ahli adalah daripada 19 – 95 tahun. Ini memberi satu hubungan jaringan niaga yang baik antara sesama ahli, di mana sikap kebersamaan dan hubungan "sisterhood" dan silaturrahim antara satu sama lain menjadi keutuhan Peniagawati hingga kini. Terima kasih juga diucapkan bukan sahaja kepada ahli-ahli bahkan pihak-pihak yang bekerjasama secara langsung dan tidak langsung dengan Peniagawati terutamanya pihak Kementerian, agensi-agensi kerajaan dan swasta serta pihak media yang sentiasa menyokong Peniagawati dari dahulu sehingga sekarang dan Dato' presiden berharap pihak ini akan terus menyokong Peniagawati pada masa yang akan datang. Dato' presiden juga mengucapkan jutaan terima kasih kepada semua pemimpin termasuk mantan-mantan Presiden Peniagawati, mantan EXCO dan AJK sepanjang penubuhan Peniagawati ini, atas setiap usaha dan kerjasama untuk memastikan Peniagawati berdiri teguh hingga ke hari ini.

Untuk makluman ahli-ahli yang hadir, paparan 'corporate video' Peniagawati sebentar tadi adalah rangkuman program-program dan aktiviti-aktiviti Peniagawati selama 17 bulan, bermula dari mesyuarat AGM yang lepas hingga Disember 2020. Dato' Presiden memaklumkan, mesyuarat bulanan EXCO/AJK diadakan pada minggu ke 3 pada setiap bulan di mana terdapat 16 mesyuarat jawatankuasa yang telah diadakan sepanjang tempoh yang dinyatakan di atas. Makluman program dan aktiviti -aktiviti yang telah dijalankan semenjak tempoh AGM yang lepas iaitu Jun 2019 sehingga Disember 2020 dapat dilihat di muka surat 15 -27.

Secara amnya, daripada mesyuarat AGM yang lepas iaitu Jun 2019 sehingga Februari 2020 sebelum berkuatkuasanya Perintah kawalan Pergerakan (PKP), Peniagawati telah mengadakan pelbagai program secara bersemuka. Terdapat banyak kolaborasi dan kerjasama yang telah dilaksanakan bersama persatuan-persatuan seperti MPM, Super8 NGO, NCWO dan agensi-agensi kerajaan yang lain. Peniagawati juga telah berkolaborasi bersama PENYAYANG bagi program Asean Lifestyle Week 2019 yang diadakan pada September 2019, Kolaborasi bersama pihak PERHEBAT pada November 2019 dan juga kolaborasi bersama UKM dalam mengadakan webinar bersama mahasiswarsiti. Kolaborasi ini merupakan satu tanda kerjasama dan persahabatan dengan pihak-pihak tersebut. Walaupun, pandemik telah melanda negara kita Peniagawati masih lagi dapat mengadakan dan menjayakan program-program dan aktiviti-aktiviti, namun melalui cara dan platform yang berbeza. Antaranya ialah Peniagawati

berjaya menganjurkan pelbagai webinar bersiri secara atas talian melalui platform ZOOM bersama beberapa pihak seperti pihak UKM dan lain-lain.

Peniagaawati juga telah menggunakan pelbagai medium untuk berhubung secara langsung dengan pihak Kementerian dan agensi-agensi Kerajaan untuk memperjuangkan kepentingan usahawan wanita dan dalam masa yang sama mencari cara terbaik untuk membantu usahawan-usahawan wanita di Malaysia. Antara lain, program-program seperti Dialog bersama Bank Negara Malaysia, SME Bank, Bank Islam di mana fokusnya adalah untuk memperjuangkan kepentingan usahawan wanita juga diadakan secara berkala.

Dato' Presiden juga memaklumkan, pada bulan April dan Mei 2020 yang lepas, Peniagaawati telah menganjurkan Projek Iftar Ramadhan 2020 di mana Peniagaawati telah membuat kutipan dana daripada ahli-ahli dan orang awam untuk mengagihkan bekalan makanan secara terus kepada 10 rumah anak yatim, rumah orang-orang tua dan tahfiz dan secara keseluruhannya, terdapat 597 orang penerima yang telah mendapat manfaat daripada Projek Iftar Ramadhan ini. Ia dijalankan semasa berlangsungnya Perintah Kawalan pergerakan (PKP) dan Dato' Presiden sekali lagi menyatakan bahawa Peniagaawati akan terus berusaha untuk menjalankan program dan aktiviti dengan lebih kerap tetapi mungkin cara pelaksanaannya sahaja yang berbeza mengikut norma baharu sekarang.

Dato' Presiden juga memaklumkan, memandangkan keadaan pada tahun hadapan masih lagi tidak diketahui statusnya, agak sukar untuk Peniagaawati merancang program-program pada tahun hadapan. Tetapi, program-program seperti webinar, sambutan ulangtahun ke 40 serta program-program yang memperjuangkan usahawan wanita akan tetap diteruskan pada tahun hadapan.

Dato' Presiden memaklumkan, ahli-ahli perlu lebih peka dan terus menerus menyokong Peniagaawati dengan cara mengaktifkan diri dalam setiap program dan aktiviti Peniagaawati, melayari laman web Peniagaawati dan mengikuti perkembangan Peniagaawati melalui semua platform yang ada seperti Telegram, media sosial seperti facebook, Instagram dan lain-lain lagi di mana penyaluran maklumat dan aktiviti akan terus diberikan dan dipaparkan di platform-platform tersebut dari masa ke masa. Dato' Presiden menyatakan bahawa waktu ini merupakan saat-saat yang mencabar bagi usahawan-usahawan wanita semua di mana Dato' Presiden sedia maklum terdapat juga ahli-ahli Peniagaawati yang terpaksa menutup perniagaan mereka, ada juga yang terpaksa bertukar bidang perniagaan walaupun ianya bukanlah di dalam bidang kemahiran mereka, tak kira juga yang mencari seribu satu cara untuk mengadaptasikan diri dengan norma baharu. Dato' Presiden yakin, ini merupakan masa bagi ahli menyokong satu sama lain di mana sikap 'sisterhood' ini menjadi satu elemen yang sangat penting untuk kita sama-sama bertahan di waktu ini.

Peniagaawati akan mencuba sedaya upaya untuk membantu ahli-ahli jika terdapat sebarang isu untuk diketengahkan kepada mana-mana pihak atau terdapat apa-apa cadangan.

	Akhir kata, Dato' Presiden mengucapkan terima kasih kepada semua barisan jawatankuasa, EXCO dan AJK atas kerjasama dan usaha yang diberikan, komitmen yang berterusan serta sokongan yang telah diberikan kepada Peniagaawati. Dato' Presiden berharap agar EXCO dan AJK akan terus memberikan komitmen yang terbaik untuk masa yang akan datang. Ucapan terima kasih juga diucapkan kepada semua ahli atas sokongan yang berterusan kepada Peniagaawati. Selamat Maju Jaya diucapkan kepada semua dan salam kasih sayang daripada Dato' Presiden kepada semua ahli-ahli Peniagaawati.	
3.0	<u>Pengumuman Koram</u>	
3.1	Pengerusi memaklumkan kepada sidang mesyuarat bahawa ahli yang hadir memenuhi koram adalah seperti berikut: <p style="margin-left: 40px;">Ahli Seumur Hidup : 39 orang Ahli Biasa : 7 orang <u>46 orang</u></p>	
4.0	<u>Membentang dan Mengesahkan Minit Mesyuarat Agung Tahunan Kali ke 35</u>	
4.1	Puan Hajjah Emmy Suraya Hussein selaku Setiausaha Kehormat membentangkan Minit Mesyuarat Agung Tahunan Kali ke 35 seperti yang terdapat di muka surat 7-14. Minit Mesyuarat Agung Tahunan Kali ke 35 telah dicadang untuk diterima oleh Puan Ili Zawani Ismail (LM 0929) dan disokong oleh Puan Hasnida Abdul Hamid (OM 1167).	
5.0	<u>Membentang Laporan Tahunan Bagi Tahun 2019-2020</u>	
5.1	Puan Hajjah Emmy Suraya Hussein selaku Setiausaha Kehormat sekali lagi membentangkan Laporan Tahunan bagi sesi 2019-2020 seperti yang terdapat di muka surat 15 – 22.	
6.0	<u>Membentang dan Menerima Laporan dan Penyata Kewangan bagi tahun berakhir 31 Disember 2019</u>	
6.1	Cik Junaidah Ishak selaku Bendahari Kehormat membentangkan Laporan dan Penyata Kewangan bagi tahun berakhir 31 Disember 2019 seperti yang terdapat di muka surat 24 – 43.	
6.2	Puan Latifah Mohd Ghazali (LM 0139) mencadangkan Laporan Penyata Kewangan tersebut diterima dan cadangan itu disokong oleh Puan Noorliza Mohamed Shariff (LM 1194).	

<p>7.0</p> <p>7.1</p>	<p><u>Perlantikan Juruaudit Dalaman bagi tempoh 2020-2021</u></p> <p>Pengerusi membacakan Fasal 12 dari Perlembagaan yang menyatakan seorang Juruaudit dalaman hendaklah dilantik setiap tahun.</p> <p>Puan Azrina Torman (LM 0034) mencadangkan Puan Azlin Mohd Said (LM 1809) sebagai Juruaudit Dalaman bagi tempoh 2020-2021 dan disokong oleh Puan Dina Kasmarani Aprianty Kasmaruddin (OM 1805).</p> <p>Dato' Presiden mengucapkan terima kasih kepada Puan Latiffah Abdul Wahid (LM 1890) yang telah menjadi Juruaudit Dalaman Peniagawati bagi tempoh 2019-2020 yang lalu.</p>	
<p>8.0</p> <p>8.1</p>	<p><u>Perlantikan Juruaudit Luaran bagi tempoh 2020-2021</u></p> <p>Cik Nur Iman Hamzah (LM 1864) mencadangkan Zurin & Co. dilantik semula sebagai Juruaudit Luaran bagi tempoh 2020-2021 dan disokong oleh Cik Ku Nor Nadia Ku Yahya Kamardin (LM 1146)</p>	
<p>9.0</p> <p>9.1</p>	<p><u>Hal-Hal Lain</u></p> <p>Setiausaha Kehormat memaklumkan bahawa tiada usul yang diterima daripada ahli-ahli. Tetapi, terdapat satu usul daripada pihak Jawatankuasa Peniagawati.</p> <p>Jawatankuasa ingin mencadangkan agar Akaun Affin Tabung Anak Angkat Peniagawati ditukarkan kepada Tabung Kebajikan Peniagawati. Setiausaha Kehormat menjelaskan bahawa tujuan usul ini diutarakan adalah kerana Peniagawati berhasrat untuk mengadakan lebih banyak lagi program-program kebajikan menggunakan dana yang terdapat di dalam Akaun Tabung Anak Angkat tersebut. Hal ini demikian kerana Jawatankuasa telah cuba untuk melaksanakan banyak program untuk anak angkat tetapi tidak dapat direalisasikan atas kekangan-kekangan tertentu.</p> <p>Dato' Presiden juga menjelaskan bahawa Tabung Anak Angkat ini dahulunya digunakan sekitar tahun 80an dan 90an yang mana Peniagawati mempunyai Program Anak Angkat di mana Peniagawati membiayai pelajaran dan Pendidikan mereka dan dalam pada masa yang sama Peniagawati mengikuti perkembangan anak-anak angkat ini sehingga mereka berjaya. Program ini adalah anjuran Peniagawati dan diketuai oleh Datin Lisa Syed Nazari, ahli Seumur Hidup Peniagawati. Dato' Presiden juga memaklumkan, selama bertahun Peniagawati cuba untuk memulakan program ini semula tetapi memandangkan ia merupakan projek yang agak besar dan rumit untuk dijayakan, oleh itu Peniagawati membuat keputusan untuk tidak menjalankan program tersebut. Untuk makluman ahli, terdapat sekitar RM39,000 di dalam Tabung Anak Angkat tersebut dan usul ini adalah bertujuan untuk mendapatkan persetujuan ahli-ahli bagi menggunakan tabung anak angkat tersebut untuk program kebajikan lain yang berkaitan seperti bantuan kepada anak yatim, bantuan banjir dan lain-lain yang berkaitan.</p> <p>Usul daripada Jawatankuasa untuk menukarkan nama Tabung Anak Angkat</p>	

kepada Tabung Kebajikan telah dicadang untuk diterima oleh Puan Yulia A. Hamid (LM 1855) dan disokong oleh Puan Halimatul Khalid (OM 1304).

Puan Juita Abdul Jalil (OM 2045) menyarankan agar Tabung Kebajikan yang dipersetujui ini dapat mengekalkan tujuan asal di mana ianya digunakan untuk pembiayaan atau kegunaan bagi kanak-kanak dan pelajar yang memerlukan. Oleh itu, beliau menyarankan agar tabung tersebut dinamakan sebagai Tabung Kebajikan Kanak-Kanak dan Pelajar.

Dato' Presiden memaklumkan ia merupakan cadangan yang baik tetapi adalah lebih baik nama Tabung Kebajikan ini dikekalkan supaya pelaksanaannya dapat merangkumi setiap aspek kebajikan. Hal ini demikian kerana komitmen yang tinggi amat diperlukan jika Peniagawati ingin mengadakan projek anak angkat ini sekali lagi. Tetapi, Dato' Presiden memaklumkan sekiranya ahli mempunyai cadangan atau idea berkenaan penyaluran bantuan kepada kanak-kanak atau pelajar yang memerlukan untuk pendidikan mereka, ahli boleh memaklumkan dan bekerjasama dengan Peniagawati dalam menjayakan program tersebut.

Puan Latifah Mohd Ghazali (LM 0139) memaklumkan bahawa beliau juga banyak melihat perkembangan tabung anak angkat tersebut. Oleh itu, beliau mencadangkan agar nama tabung kebajikan tersebut digunakan tetapi fokus utama tabung tersebut hendaklah tidak lari dari konteks asal di mana ianya digunakan untuk kebajikan anak-anak.

Dato' Presiden mengambil maklum akan cadangan tersebut dan ianya akan diambil kira oleh Puan Selinastein Mohd Rashid selaku Ketua Biro Kebajikan di mana keutamaan tabung tersebut adalah kepada pendidikan anak-anak.

Puan Norsahida Ngatiran (LM 0936) menyatakan bahawa bagi tabung kebajikan ini, seperti yang telah diulas oleh Puan Juita Abdul Jalil (LM 2045) dan Puan Latifah Mohd Ghazali (LM 0139), adalah penting untuk Peniagawati mengetahui kriteria-kriteria yang diperlukan untuk melayakkan anak-anak tersebut untuk mendapat bantuan dana yang dinyatakan.

Dato' Presiden memaklumkan bahawa isu ini adalah salah satu penyebabnya mengapa projek anak angkat ini tidak dapat direalisasikan setelah sekian lama. Oleh itu, Dato' Presiden mencadangkan agar sekiranya ramai ahli yang berminat untuk meneruskan projek anak angkat ini, Peniagawati menggalakkan ahli untuk bersama-sama mengadakan satu sesi perbincangan untuk sama-sama mencari jalan dan solusi untuk melaksanakan projek ini. Puan Selinastein Mohd Rashid selaku Ketua Biro Kebajikan akan berhubung dengan ahli-ahli yang ingin turut serta dalam melaksanakan projek ini kemudian untuk mengadakan perbincangan secara lebih mendalam.

Puan Noorliza Mohamed Shariff (LM 1194) mencadangkan, selain daripada menggunakan dana tersebut untuk pendidikan kanak-kanak, beliau menyarankan agar tabung tersebut juga dapat digunakan untuk membantu ahli-ahli Peniagawati terutamanya golongan B40. Beliau juga mencadangkan agar Peniagawati bekerjasama dengan mana-mana NGO yang memberikan bantuan biasiswa kepada anak-anak ahli atau anak-anak lain yang berpotensi untuk mendapatkan biasiswa tersebut. Hal ini demikian kerana sebagai sebuah organisasi NGO, Peniagawati boleh mendekati beberapa institusi yang menawarkan biasiswa. Ini merupakan cara lain yang boleh dipertimbangkan tanpa menggunakan dana di dalam tabung tersebut tetapi dalam masa yang

	<p>sama dapat membantu meringankan beban ahli-ahli yang benar memerlukan. Dato' Presiden memaklumkan bahawa Peniagawati amat menitikberatkan ahli-ahli tetapi seperti yang telah diketahui, Peniagawati tidak mempunyai dana untuk memberi bantuan kewangan kepada ahli. Jadi, langkah yang diambil buat masa ini adalah membantu ahli dengan cara menyalurkan bantuan-bantuan daripada agensi kerajaan dan pihak-pihak lain yang berkenaan kepada usahawan-usahawan yang memerlukan. Tetapi sekiranya ahli-ahli mempunyai inisiatif lain untuk membantu ahli-ahli yang memerlukan bantuan dana dan lain-lain, Peniagawati amat berbesar hati untuk turut sama mencapai objektif tersebut.</p>	
10.0	<u>Penangguhan Mesyuarat</u>	
10.1	<p>Dato' Presiden mengucapkan terima kasih kepada semua ahli atas kerjasama dan sokongan untuk memastikan mesyuarat AGM melalui platform atas talian ini berjalan dengan baik dan lancar. Dato' Presiden berharap agar mesyuarat AGM yang akan datang dapat dilaksanakan secara bersemuka semula supaya ahli-ahli dapat melepaskan rindu antara satu sama lain setelah lama tidak berjumpa. Pengerusi memaklumkan, sekiranya terdapat sebarang cadangan atau perkara yang ingin ketengahkan, ahli amat dialu-alukan untuk berbuat demikian. Ahli juga digalakkan untuk mengunjungi platform media sosial Peniagawati di mana Biro Korporat Komunikasi yang diketuai oleh Datin Dr Hasnorliza Abu Hassan telah melakukan tugas dengan begitu baik dalam menambah baik media sosial dan laman web Peniagawati.</p> <p>Akhir kata, Dato' Presiden mengucapkan Selamat Maju Jaya kepada semua ahli dan berharap agar semua ahli akan lebih berjaya selepas berakhirnya Covid19 ini. Sekiranya ahli-ahli memerlukan sebarang bantuan atau isu yang ingin diutarakan, sila maklumkan kepada Peniagawati di mana Peniagawati akan cuba menyalurkan ke pihak-pihak yang berkenaan seperti Bank Negara Malaysia, Kementerian Kewangan dan lain-lain sumber. Terima kasih diucapkan kepada semua ahli yang hadir dan memberi kerjasama yang baik sepanjang perjalanan mesyuarat dan memohon maaf sekiranya terdapat kesilapan atau tersalah tutur kata semasa beliau menjalankan tugas sebagai pengerusi mesyuarat. Pengerusi berharap akan bertemu lagi pada Mesyuarat Agung Tahunan ke 37 tahun hadapan. InsyaAllah.</p>	
10.2	Mesyuarat Agung Tahunan Kali Ke 36 ditangguhkan pada jam 11.45 pagi.	